



Inatsisartunut ilaasortat  
Steen Lyngé  
Siverth K. Heilmann  
Atassut

## **Ikiaroornartut pillugit § 37 naapertorlugu apeqquaqammum nr. 177-imut akissuteqaat**

Ukununga Steen Lyngé aamma Siverth K. Heilmann.  
Kalaallit Nunaannut ikiaroornartunik isertortumik eqqussuisarnerup akiorniarneqarnera pillugu arlalinnik apeqquaqarsimavusi.

Ulloq: 28. juli 2016  
Suliap normua 2016-11378

- 1. Inatsisartut aningaasaqarnermut ataatsimiitsitaliaata 2014-mut aningaasanut inatsisissaq pillugu apeqquataannut Naalakkersuisut ilisimatitsipput, Akileraartarnermut Aqutsisoqarfik Aalborg-imi piffissap ilaanni sulisartumik sulisoqartitsillutik (ukiumut 500 tiimit), taassumalu SKAT suleqatigalugunassiussanik ataasiakkaanik aammalu containerinik scannerisinnaanera**
- 2. ingerlanneqartarluni. Akileraartarnermut Aqutsisoqarfik suli Aalborg-imi piffissap ilaanni ukiumut 500 tiimini sulisartumik sulisoqartitsinerluni?**

Postboks 1605  
3900 Nuuk  
Oqarasuaat (+299) 34 50 00  
Allak. (+299) 32 20 42  
E-mail: tax@nanoq.gl  
www.nanoq.gl

Maannakkuugallartoq Aalborgimi ilanngaaserisoqanngilaq taannami soraarninngorsimammat.

Eqqarsaatersuutigineqarpoq SKAT Nordjyllandimiittoq attaveqarfigineqassasoo kingoraartissaanik nassaartoqarnissaa siunertaralugu.

- 3. Qanoq akulikitsigisumik Aalborg-ip umiarsualivianiit Kalaallit Nunaannut nassiussassanik ingerlaartumik nassiussassat misissugarineqartarneri ingerlanneqartarpat, aamma nassiussassat qanoq annertutigisortai misissugarineqartarpat?**

Akileraartarnermut Aqutsisoqarfik Danmarkimilu akileraartarnermut immikkoortotaqarfiit pisariaqartinneqartut qaammatit sisamakkaarlugit suliassat/nakkutilliinerit suut qaammatini tulliuttuni sisamani suliarineqassanersut pillugit isumaqatigiissusiortarput.

Akileraartarnermut Aqutsisoqarfik erseqqarissuliorpallaannginnissaq eqqarsaatigalugu nakkutilliisernerit isumaqatigiissutigineqarsimasut pillugit immikkuullarissuliorusuppallaanngilaq, kisiannili assersuutigalugu tamakku tassaasinnaaput piffissami aalajangersimasumi sumiiffimmut aalajangersimasumut poortukanik tamanik nakkutilliinissaq pillugu isumaqatigiissutit imaluunniit Kalaallit Nunaannit nassiussani aningaasaqarneranik ujaasinissamik isumaqatigiissutit, pingaarnersutigit kisiannili aammattaq illoqarfinnit allaniillu aalajangersimaneersunik.

Akileraartarnermut Aqutsisoqarfik nakkutilliinerit qassiunerinik imaluunniit nassiussat nakkutilliivigineqartut annertussusiinik kisitsisitigit paasissutissanik suliqaartanngilaq.

**4. Naalakkersuisut isumaqarpat arlaatigut aaqqissuussisoqarsinnaanersoq, Aalborg-ipumiarsualivianiit Kalaallit Nunaannut nassiussassat tamaasa nassiunneqarnissaatsioqqullugit misissugarineqartalersinnaanersut?**

Taamaaliortoqarsinnaavoq kisiannili taamaaliornermut aningaasartuutit angusarineqartunut naapertuunnavianngillat.

**5. Taamatut aaqqissuussisoqarsinnaaneq qanormita annertutigisortaa Namminersorlutik Oqartussanit aningaasalersuiffiqineqassagatinneqarpa (qanorlu annertutigisortaa danskit akitsuusersuinerlutik oqartussa qarfiannit)?**

Taamaaliornermut annertunerpaatigut Kalaallit Nunaanni Namminersorlutik Oqartussanit aningaasalersorneqartariaqassaaq.

**6. Taamatut aaqqissuussineq eqqunneqassappat Namminersorlutik Oqartussat nammineq container-inut scannerummik imaluunniit atortorissaarutini allanik pisaartariaqassanerlutik Aalborg-ip umiarsualivianni atorneqartussanik, taamaattoqassappallu aningaasartuutit qanoq annertutiginiisaat naatsorsuutigineqarsinnaappat?**

Taamatut pisoqassappat Kalaallit Nunaanni Namminersorlutik Oqartussat nammineerlutik containerinik misissuissummik pisisariaqassapput. SKAT Danmarkimiittoq 2015-imi containerinik misissuissummik angallattakkamik tuniniagaqarpoq, naatsorsuutiginerarlugu 20 mio. koruunit missaannik naleqassasoq.

Tassunga atortulersuutinut allanut aningaasartuuteqartoqassasoq naatsorsuutigineqartariaqassaaq, assersuutigalugu isumannaallisaaanermut atortunut allanullu.

**7. Taamatut aaqqissuussineq eqqunneqassappat, taava sulisoqarnikkut (Aalborg-imi) qanoq amerlatigisut pisariaqartinneqassappat, Naalakkersuisullu qanoq naat sorsuutigivaat tassunga aningaasartuutit annertutiginiisaat?**

**8.**

Akilerartarnermut Aqutsisoqarfimmi sulisussanik allanik atorfinitsitsisoqartariaqassaaq Aalborgimi inissinneqartussanik.

Akilerartarnermut Aqutsisoqarfimmit oqaatigineqarpoq § 37 malillugu apeqqutigineqartunut akissuteqarnissamut killiliussat eqqarsaatigalugit eqqoqqissaartunik akissuteqarnissaminnut periarfissaqaratik, kisiannili Akilerartarnermut Aqutsisoqarfik nalilivoq containerinik misissuissutip atornissaanut inunnik pingasunik-sisamanik sulii allanik atorfinitsitsinissaq pisariaqassasoq.

Taakkununga ilanngunneqassaaq containerinik pasitsaassanik misissuinerlutik ilanngaaserisunik pisariaqartinneqartunik atorfinitsitsisoqarnissaa. Taamaassanngippat Skat Danmark akilerlugu suliasanik sulisinneqarsinnaavoq. Aammattaaq takuuk apeqqutigineqartunut 8-mut akissutit.

Taamaammanuna inuit arfineq pingasut - qulit atorfinitsinneqarnissaat pisariaqaleriaannaasoq, tassa pikkorissartitsisarnerit, feeriarnertit, napparsimanerit allallu eqqaamaneqarnissaat eqqarsaatigineqassappata.

Ukiuumut ingerlatsinerlutik aningaasartuutissat mianersortunnguamik eqqoriarneqassappata 5 aamma 8 mio. koruunit akornanniissangatinneqarput.

**9. Aalborg-ip umiarsualiviani Kalaallit Nunaannut nassiussassat tamarmik misissornegartarnissaat aaqqissuussiffigineqassangaluarpat, taava Kalaallit Nunaanniakitsuuserisunik pisariaqartitsineq annikillisinneqassanerluni, aamma qanoqsipaarutaasinnaasut annertussuseqarnissaat naatsorsuutigineqarsinnaappat?**

**10.**

Annikitsuinnarmik, tassami timmisartunut ilaasut tikerartut nakkutigineqartuassammata soorluttaaq nassiussat Islandimiit, Canadamiit allaniillu tikerartut nakkutigineqartuartaasat.

Taamatuttaarmi nioqputissanik inatsisinik unioqputitsilluni eqqussukkanik annissukkanillu nakkutilliineq ilanngaaserisutut sulinerup ilaannarivaa.

Nioqputissanik akitsuusikkanik allanik eqqusuinermik nakkutilliineq soorunami ingerlatiinnarneqartussaavoq, soorluttaaq ilanngaaserisut nioqputissanik eqqussukkanik annissukkanillu nalunaarsuinermut ikiuuttartut, suliassat ikiaroor-nartunik unioqputitsilluni eqqusuinerup nakkutigineqarnerata nuunneqarnerati-gut nungunnaviannigitsut.

**11. Taamatut aaqqissuussineq inatsisinik atuuttunik allanngortitsisariaqarnisamik kinguneqassanerluni, taamaattoqassappallu allannguisariaqarnissat danskit imaluunniit kalaallit inatsisaanni pissanerpat?**

**12.**

Taamaassagunarpoq, tassami tunisassianik anngiortumik/inatsisinik unioqputitsilluni eqqusuinermik/annissuineramik nakkutilliineq oqartussaasut suliassarim-massuk.

Danmarkip nunataani oqartussaasut suliassaannik suliaqartarneq danskit oqar-tussaasuinit suliarineqartarpoq, taamaammat Kalaallit Nunaat imaluunniit naa-lagaaffiit allat danskit oqartussaaffigisaanni oqartussaasut suliassaannik imaa-liinnarlugu suliaqartarsinnaanngillat.

**13. Taamatut aaqqissuussinerup kingunerissanerpaa Aalborg-imiallaffeqarta-riaqalernissaq attartornissarlunniit - qanorlu taakkununngaaningaasar-tuutissat annertutigissagatinneqarpat?**

Ilimanarluinnarpoq, tassami misissuissut sulisullu ininik pisariaqartitsissamma-ta. Taamatuttaaq Aalborgimi maannakkut atortulersuutinik allanngortiterinermut aningaasartuuteqarnissaq naatsorsuutigineqartariaqarpoq, tassami nassiussalери-neq ullumikkornit allaanerulluinnartumik aaqqissuunneqartariaqassagunarmat.

Taamatuttaaq inissamik container-it pasitsaassat imaarneqartarfissaannik misis-soqqissaarneqartarfissaannillu pilersitsisoqartariaqassaaq.

Aningaasartuutit taamaattut Namminersorlutik Oqartussanit akilerneqartassaner-sut imaluunniit aningaasartuutit assartuisartunut usinik akitsuinertigut akiligas-sanngortinneqassanersut Naalakkersuisunit isummerfigineqanngillat.

Akilerartarnermut Aqutsisoqarfik aningaasartuutinut taakkununnga missingus-saqanngilaq.

**14. Naalakkersuisut Inatsisartut aningaasaqarnermut ataatsimiitsitaliaannut 2014-mi akissuteqarnerminni ilisimatitsissutigivaat, Akileraartarnermut Aqutsisoqarfiup SKAT Nordjylland-imik isumaqatigiissuteqalersimanera, taassumalu iluaniilluni attaveqatigiinneq, paasissutissiineq, ataavartumik umiarsuakkut nassiussanik allakkanillu misissuinerit aammalu nuna tamakkerlugu misissuinerit. Kingornatigullu suleqatigiinnermut isumaqatigiissut nutaaq 2015-imi atorneqalersimavoq. Isumaqatigiissutsip nutaap suummita imarivai, pingaartumik danskit oqartussaqaarfiisa nunatsinnut sutigit tapersersuutaasinnaaneri eqqarsaatigalugit?**

**15.**

Danmarkimi naalakkersuisut aamma Kalaallit Nunaanni Naalakkersuisut 2004-mi nioqqutissat Danmarkimiit Kalaallit Nunaanni annissorneqartut aamma nioqqutissat Kalaallit Nunaanniit Danmarkimut eqqussorneqartut nakkutigineqarnerat pillugu suleqatigiinnissamik isumaqatigiissuteqarput.

Taanna pingarnerusutigut isumaqatigiissut kingusinnerusukku sumiiffinnut isumaqatigiissutini immikkuullarinnerusuni atorneqalerpoq, Aalborgimi usinut aamma Taulovimi allakkeriveqarfimmut imaluunniit Skattecenter Københavnimut Københavnip Kalaallit Nunaatalu akornanni timmisartukku angallannermik nakkutilliineq pillugu isumaqatigiissummut tunngatillugu.

Isumaqatigiissutit imaraat ilaatigut Aalborgimi Nuummilu inuit attaveqarfissat pillugu paasissutissat, nioqqutissat suut ikiaroorartut saniatigut immikkut maluginiarneqassanersut, assersuutigalugu tupat, imigassat kimittuut assigisaallu, isumaqatigiissuteqarpoq Nuup Aalborgillu akornanni qanoq attaveqatigiittoqartassanersoq, usit inatsisinik unioqqutitsisut imaluunniit ikiaroorartut allallu paasineqaraangata periaatsit suut malinneqartassanersut.

Naatsumik oqaatigalugu sumiiffinnut assigiinngitsunut isumaqatigiissutit tunngaviummik isumaqatigiissutip suliassartaanik piviusunngortitsinerupput.

Sumiiffinnut isumaqatigiissutit taakkuinnaallutik qanoq akulikitsigisumik nakkutilliisoqartarnissaanut immikkut anguniagassanik imaqqanngillat, kisiannili nakkutilliisoqartassasoq pasitsaassaqaarnermik naliliineq aallaavigalugu ilaatigut usinik allanillu umiarsuarmut usilersuinerimut atatillugu uppernarsaatissanik assigiinngitsunik misissuinikkut.

Isumaqatigiissutit siuliini taaneqartut isumaqatigiissummi 2015-imeersumi uppernarsarneqarput/nutarterneqarput, maannamut isumaqatigiissutaasimasunik nutarterinikkut, assersuutigalugu paasiuminaatsoqartillugu immikkoortorpaalunik erseqqissaanikkut imaluunniit maannamut isumaqatigiissutaareersut pissusiviusullu immaqa imminnut naapertuuppiarsimangikkaangata.

Kiisalu isumaqatigiissummut nutaamut ilaapputaaq Akileraartarnermut Aqutsisoqarfiup kukkunersuinerimut allaffeqarfia SKAT-imik Aalborgimiittumik allaffeqateqartoq taamatullu Akileraartarnermut Aqutsisoqarfiup sulinermini qimmiisa ilinniartitaanissaat nakkutigineqarnissaallu pillugit isumaqatigiissut.

Inussiarnersumik Inuulluaqqusillunga

Randi Vestergaard Evaldsen

Aningaasaqarnermut Aatsitassanullu Naalakkersuisoq